



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

17 Febreiru 2014

Asuntu tratamentu diferente ba ema boot no ki'ik no servisu polisia ho forsa esesivu kontinua sai preokupasaun husi komunidadade suco Tokoluli Ermera

Iha 13 Febreiru 2014, *Judicial System Monitoring Programme* (JSMP) liu husi Unidade LRU fasilita treinamentu ba komunidadade sira iha Suco Tokoluli, Distritu Ermera.

Partisipante sira ne'ebé partisipa iha treinamentu ne'e kompostu husi estrutura suco inklui xefe suco, xefe aldeia, lia-nain, no joventude feto no mane. Partisipante sira ne'e hamutuk nain 30, ne'ebé kompostu husi mane nain 22 no feto nain 8.

Materia treinamentu ne'e kobre asuntu sira kona-ba direitu ema nian, kna'ar juis, prokurador, defensor públiku no advogadu privadu, klasifikasaun kazu krime sira no oinsa komunidadade sira prosesa kazu krime sira tuir sistema justisa formal.

Durante sesaun treinamentu komunidadade sira preokupadu no konfuzaan kona-ba atendentu prizionerus ba ema bo'ot no sidadaun bai-bain ne'ebé la-igual iha lei nia oin, no atendentu husi polisia ne'ebé uza forsa.

“Preokupasaun hirak ne'e nafatin akontese tanba komunidadade ladun asesu ba informasaun no kobertura ne'ebé dalabarak la iha balansu. Tanba ne'e, treinamentu ne'e importante atu klarifika duvida no preokupasaun sira ne'e.” dehan Diretór Ezekutivu JSMP, Luis Olivera Sampaio.

Durante treinamentu refere, JSMP hatan duvidas no preokupasaun hirak ne'ebé partisipantes sira hato'o. Liu-liu relasiona ho tratamentu ba ema boot no povu kiik sira ne'ebé lahanesan. Iha oportunidade ne'e, JSMP esplika katak tuir lei ema hotu-hotu sein esepasaun hanesan iha lei nia oin. Tribunál sira maneja atu kumpri prinsipu hirak ne'e.

Tuir JSMP nia observaun katak durante ne'e prosesu ba ema hotu hanesan tantu ba ema boot sira no membru komunidadade bai-bain sira. Ne'e too ohin lora iha kazu balun ne'ebé prosesu iha tribunál no kondena ona sira ba prizaun. JSMP hanoin katak dalaruma media sira mak la halo kobertura ne'ebé balansu tanba ne'e públiku hanoin katak iha tratamentu ne'ebé diferente ba iha justisa nia oin.

Relasiona ho servisu polisia nian, JSMP klarifika katak tuir lei, intervensaun polisia nian atu impede krime, se krime ne'e akontese ona tenke buka tuir nia arguidu no aseguara meu-de-prova no preve krime seluk la bele akontese. La fo fatin atu polisia uja forsa hodi interven aktu krime ruma, esepu iha kazu esepSIONÁL no polisia halo ida ne'e ho sentidu auto-defeza no proteze interese públiku. Mesmu nune'e intervensaun sira ne'e hotu-hotu tenke tuir prosedimentu legal ne'ebé eziste.

Iha abertura ba treinamentu ne'e, Xefe Suco Tocoluli, Sr. Antonio Salsinha espresa nia sentimentu haksolok tanba prezensa JSMP nian iha nia suco, liu-liu *tanba fahe asuntu importante kona-ba sistema justisa formal hirak ne'e ba nia comunidade iha nia suco laran.*

Xefe Suco mos, rekomenda ba JSMP atu kontinua programa hanesan iha suco seluk iha Sub-Distritu Railaco, Distritu Ermera atu nune'é suco hotu bele asesu ba informasaun kona-ba justisa formal.

Tuir planu JSMP sei halo treinamentu hanesan iha 20 Fevereriu 2014, iha Distritu Baucau.

Atividade treinamentu ne'e realiza tanbá hetan suporta husi **Embaixada Canada iha Jakarta-Indonézia.**

Atu hetan tan informasaun kompletu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl